

一法一式同卷

輔五

千手眼大悲心咒行法  
禮法華經儀式

千手眼大悲心咒行法

附五

宋四明沙門知禮集

此大陀羅尼忝自髫年便能口誦且罔諳持  
法後習天台教觀尋其經文觀慧事儀足可  
行用故略出之誠堪自軌然智者所立行儀

總有四種何等爲四一曰常坐即文殊問經  
一行三昧也二曰常行即般舟經佛立三昧  
也三曰半行半坐即方等法華二經袒持普  
賢二三昧也四曰非行非坐即有依諸經行  
法及歷善惡無記修觀總名隨自意三昧也  
若據此經不制專坐唯行及以相半亦非縱  
任三性於中覺察而令三七日依法誦持蓋  
隨自意中依經行法也今於本經出十意一  
嚴道場二淨三業三結界四修供養五請三  
寶諸天六讚歎伸誠七作禮八發願持咒九懺

悔十修觀行仍以法華三昧補助觀想注於  
事儀之下俾其修者免檢他文

一嚴道場

經云住於淨室懸幡然燈香華飲食以用供  
養百錄請觀音儀云當嚴飾道場香泥塗地  
懸諸幡蓋安置佛像南向觀音像別東向今  
須安千手眼觀音像或四十手如無此像祇  
於六手四手像前或但是觀音形貌亦無在  
更安釋迦勢至等像無妨行者十人已還當  
西向席地地若卑濕置低脚牀當日盡力

供養若不能辦初日不可無施輔行云雖心  
口精誠須以福助日日爲者彌爲增上恐力  
不逮聽從初日必先課已資財以伸傾竭經  
云若諸衆生現世求願者於三七日淨持齋  
戒誦此陀羅尼必果所願據此修者須三七  
日爲一期必不可減準法華三昧正修之前  
於一七日行方便法使事儀理觀皆悉精熟  
仍求加護今無障礙者也

二淨三業

經云誦此神咒者發廣大菩提心誓度一切

補五

二

衆生身持齋戒住於靜室澡浴清淨著淨衣服制心一處更莫異緣法華三昧云初入道場當以香湯沐浴著淨潔衣若大衣及諸新染服若無新者當取己衣中勝者以爲入道場衣於後若出道場至不淨處當脫淨衣著不淨衣所爲事竟當洗浴著本淨衣入道場行法上皆法華三昧文也縱一日都不至穢亦須一浴終竟一期專莫雜語及一切接對問訊等終竟一期依經運想不得剎那念於世務若便利飲食亦須兼護勿令散失事畢即入道場

不得托事延緩大要身論開遮口論說默意論止觀也修者須依善師咨稟知已然可行之慎勿自任

### 三結界

行者於建首日未禮敬前當齋修行處如法

補五

結界經云其結界法者取刀呪三二十一徧畫地爲界或取淨水呪二十一徧散著四方爲界或取白芥子呪二十一徧擲著四方爲界或以想到處爲界或取淨灰呪二十一徧爲界或呪五色線二十一徧圍繞四邊爲界皆

得若能如法受持自然克果經云皆得隨便行之

四修供養

行者依法結界已至千眼像前先敷具倚立當念一切三寶及法界衆生與我身心無二

無別諸佛已悟衆生尚迷我爲衆生翻迷障

故禮事三寶作是念已口當唱言

一切恭謹一心頂禮十方常住三寶

一禮已燒香散

華首是諸衆等各各胡跪嚴持香華如法供養願此香華雲徧滿十方界一一諸佛土無

量香莊嚴具足菩薩道成就如來香至此想香華徧十方以爲微妙光明臺諸天音樂天寶香諸天肴膳天寶衣不可思議妙法塵一

一塵出一切塵一一塵出一切法旋轉無門互莊嚴徧至十方三寶前十方法界三寶前忘有我身修供養一一皆悉徧法界彼彼無雜無障闕盡未來際作佛事普熏法界諸衆生衆熏皆發菩提心同供養已一切恭謹入無生證佛智想已云

五請三寶諸天

行者運心普供養已胡跪燒香當念三寶雖離障清淨而

以同體慈悲護念羣品若能三業致請必不來而來拔苦與樂然須至誠逐位殷勤三請必有感降唱云

一心奉請南無本師釋迦牟尼世尊

一心奉請南無西方極樂世界阿彌陀世尊

一心奉請南無過去無量億劫千光王靜住世尊

一心奉請南無過去九十九億殑伽沙諸佛世尊

一心奉請南無過去無量劫正法明世尊

精五

一心奉請南無十方一切諸佛世尊

四

一心奉請南無賢劫千佛三世一切諸佛世尊

尊

一心奉請南無廣大圓滿無閼大悲心大陀

羅尼神妙章句

想云法性如空不可見常注法寶難思議我今三業

如法請惟願顯現受供養次位亦爾

一心奉請南無觀音所說諸陀羅尼及十方

三世一切尊法

心奉請南無千手千眼大慈大悲觀世音

自在菩薩摩訶薩

運想如佛但改云觀世音菩薩亦如是下去菩

薩聲聞隨位改之

一心奉請南無大勢至菩薩摩訶薩

一心奉請南無總持王菩薩摩訶薩

一心奉請南無日光菩薩月光菩薩摩訶薩

一心奉請南無寶王菩薩藥王菩薩藥上菩

薩摩訶薩

一心奉請南無華嚴菩薩大莊嚴菩薩寶藏

菩薩摩訶薩

一心奉請南無德藏菩薩金剛藏菩薩虛空

藏菩薩摩訶薩

續五

一心奉請南無彌勒菩薩普賢菩薩文殊師

五

利菩薩摩訶薩

一心奉請南無十方三世一切菩薩摩訶薩

一心奉請南無摩訶迦葉無量無數大聲聞

僧

一心奉請善叱梵摩瞿婆伽天子護世四王

天龍八部童目天女虛空神江海神泉源  
神河沼神藥草樹林神舍宅神水神火神  
風神土神山神地神宮殿神等及守護持  
咒一切天龍鬼神各及眷屬

唯願釋迦本師彌陀慈父千光王靜住如來  
十方三世一切諸佛不移本際平等慈熏來  
降道場證我行法

廣大圓滿無閼大悲心總持祕要顯現道場  
受我供養

千手千眼觀世音菩薩摩訶薩乘本願力來  
到我前神咒加持頓消三障大勢至菩薩臨  
持王等諸大菩薩摩訶薩諸大聲聞同運  
慈悲俱時來降

梵釋四王諸天八部隨我請來堅守道場擁  
護持咒却諸魔障示現吉祥令我所修不違  
本願

六讚歎伸誠本經無讚歎偈欲取他經恐與  
咒體及表報相小有參差故舉  
依經略  
述讚之

南無過去正法明如來現前觀世音菩薩成

永樂北藏

千手眼大悲心咒行法

第一五三冊

妙功德具大慈悲於一身心現千手眼照見  
法界護持衆生令發廣大道心教持圓滿神  
呪永離惡道得生佛前無間重愆纏身惡疾  
莫能救濟悉使消除三昧辯才現生求願皆  
令果遂決定無疑能使速獲三乘早登佛地

威神之力歎莫能窮故我一心歸命頂禮

仲述誠懇隨其智力如實說之然所求之事  
不可增長生死所運一心必須利益羣品唯  
在專謹方有威  
通慎勿容易

七作禮行者應念三寶體是無緣慈悲常欲  
拔濟一切衆生但爲無機不能起應  
我既再三奉請縱非目擊冥應不虛故須作  
已降之想燒衆名香五體投地禮上所請三

永樂北藏

千手眼大悲心咒行法

第一五三冊

實唯諸天鬼神不須致禮若至大悲心咒及觀世音菩薩各須三禮此之人法是道場主故唱云

一心頂禮本師釋迦牟尼世尊如前請中三

五體投地勤重致禮禮佛想云能禮所禮性空寂感應道交難思議我此道場如帝珠釋迦如來影現中我身影現釋迦前頭面接足歸命禮至禮阿彌陀云即云阿彌陀佛影現

中云云禮法想云真空法性如虛空常住法寶難思議我身影現法寶前一心如法歸命禮禮僧準上禮佛但改爲菩薩等唯禮觀音云爲求滅障接足禮此是懺悔主故

八發願持咒

經云若有比丘比丘尼優婆塞優婆夷童男童女欲誦持者於諸衆生起慈悲心先當從

我發如是願此願橫深該收權實非天台教觀莫到邊涯今依一家略爲標指俾其行者心有所歸願有二節前十願明成就法一往生善後六願明除滅法一往破惡然準聞咒獲四果十地等益部在方等顯矣此願合被精五四教菩薩旁兼兩教二乘亦有法緣慈悲隨七世利物故今之行者既顯圓頓止觀覺意三昧故立願起行須順法華之意故荆溪云散引諸文該乎一代文體正意唯在醍醐故十六願須約開顯圓義釋也前十願皆稱南無

大悲觀世音者南無翻歸命亦度我亦信從  
大悲者以此菩薩拔苦心重故稱具大悲者  
施無畏者此悲體圓即能與樂觀世音具如  
別行疏釋蓋哀憫至深故教衆生求我度脫  
歸心順我立乎誓願令成機感故也仍須了  
知大悲觀音即我本性今欲復本故稱本立  
願又復此願即本性之力用故馬鳴云自心  
起信還信自心此經云應當從我發如是願  
今以二義釋茲十願初約諸經四弘釋次約  
今家十乘釋夫四弘者依四諦起四諦者二

示世間苦因果二示出世樂因果一切菩薩  
欲拔此苦欲與此樂故依之立四誓也依苦  
諦立云衆生無邊誓願度依集諦立云煩惱  
無數誓願斷依道諦立云法門無盡誓願知  
依滅諦立云佛道無上誓願成但今十願拔  
世間苦因在前故與四誓次第小異而皆二  
二相成以知法由眼智度衆生須方便船必  
越海道能登山舍可棲身故初二依集諦立  
先願知一切塵勞之法皆即法界次願得是  
圓淨慧眼以非此慧不能知故三四依苦諦

立先願度一切沉淪之衆次願早得體內方便非此方便度生不徧故五六七八依道諦立道雖萬行不出三學今先求實慧般若即慧學次願慧成越於二死苦海次求出世上戒定後願二學功成入於三德涅槃三學是道諦之始越苦證滅顯道諦之終也九十依滅諦立先求無爲之法以宅其心則惑滅行息後願冥乎法性復本淨身則究竟常寂也縱百千願亦何出於四弘況此十耶又願不依諦名爲狂願雖不出四以觀音智巧

精五

悲深故開四爲十則使行者標心立行原始要終皆悉顯了故也仍須了知始終等相體性融即故荆溪云初心徧攝觀惑法界即惑成智即生成滅名圓四誓又了前二誓拔性德之苦後二誓與性德之樂性之苦樂何須拔與即無作之誓也二約今家十乘釋者聖意多舍且作二釋尋經始末以後驗前知是願成十法乘也何者以說咒前令發十願說咒訖示咒相貌有九句并咒體成十法與今家十乘更無差忒後觀行中當說言十乘者

初觀不思議境二發菩提心三巧安止觀四  
破法徧五識通塞六調適道品七對治助開  
八知次位九安忍十離順道法愛十願對此  
唯一處前後彼則依境發心此則依境修觀  
各有其意初知一切法願顯不思議境非一  
輔五  
念三千豈收一切二智慧眼願圓止觀成佛  
九  
眼智也非此眼智不顯妙境故三度一切衆  
願發分滿菩提心也無緣與拔初住已上方  
現前故四善方便願成破徧也三惑破已方  
能任運與拔破徧即度生方便菩薩破惑爲

度生故五般若船願識通塞如水有船即塞  
能通也六越苦海願成道品也非無作道品  
莫越二死海故七戒定道願成助道也以無  
作心修事戒定最能治惡故八登涅槃山願  
知次位也山須自下升高雖觀即理道不浪  
階故九會無爲舍願成安忍行也舍名捨衆  
速證無爲故此行不專初品上地亦然天龍  
恭敬不以爲喜即其例也十同法性身願離  
法愛也不滯似解合佛眞身故準文二二相  
成者照境由止觀與拔由破惑先知通塞方

修道品無對治功安有次位若不安忍則無似愛可離也此之觀法修在名字成在五品似發在六根真發在分證究竟在妙覺今立願者願修之得門成之即世或於一觀或歷餘心便入似真以至等妙又復應知此之十法雖論修證及以因果而現前一念本自圓成全性起修即因成果今立十願標心在茲又復應知此之十法雖是智者像代宣揚而並是漸頓諸經之旨以離此十更無修證之法法華大車深可例也後之六願一往破惡

於中前三破地獄而初二別破刀火二種第三破一切地獄後三破餘三趣應知六願皆就對治悉檀而立故地獄云摧折枯竭餓鬼云飽滿修羅云調伏畜生云智慧如六觀音對破六道唯天從便宜以善彊故人兼入理思惟盛故餘四並從對治以惡多故皆標我者雖是行人所稱全是諸有真常我性一念十法也前十願中一一我字莫不爾也若者不定之詞隨趣對治也皆云向者訓對也為對治義宛合即以四趣我性為能對治四趣

精五

十

三障為所對治皆云自者三障本空無明故有治以圓法稱本虛融更非障闕故云自摧折等然能對有自他所治有三障人自治有事行理觀治他論神通感應何者若自起四趣煩惱造四趣惡業受四趣苦時稱名誦咒對之願此三障即自摧折等此事行治也若自用十乘觀慧對於四趣若惑若業若報時願得觀成障滅即摧折等此理觀治也若自觀行成能破三障顯出我性得大自在見一切衆生為四趣三障所苦以似解力對之即

神通治他也以分滿力對之即感應治他也故一言我若向刀山刀山自摧折等其義甚深不可卒備原其所歸觀音能障三道神咒及我體是法界亦名中道舉一全收法法絕待以彊迷故暫分感應故曰南無以翻迷故義立對治故云我向今順圓法立上諸願名無作誓其功巨量問圓解圓修者獲益可爾無此解者修有何益答法體本然聖人稱本而示其修此者縱未圓解但得機成任運獲益若能解者功不可論如摩尼珠愚人得之

轉五

十一

非全無益但買一衣一食而已若其識者十  
事修治四洲兩寶故經云有慧觀方便者十  
地果位克獲不難是故行者當親善師學茲  
圓解立願之際心口一如三障即消法身速  
證既略知此旨當發  
是願首者唱云

|         |         |
|---------|---------|
| 南無大悲觀世音 | 願我速知一切法 |
| 南無大悲觀世音 | 願我早得智慧眼 |
| 南無大悲觀世音 | 願我速度一切衆 |
| 南無大悲觀世音 | 願我早得善方便 |
| 南無大悲觀世音 | 願我速乘般若船 |

|         |         |
|---------|---------|
| 南無大悲觀世音 | 願我早得越苦海 |
| 南無大悲觀世音 | 願我速得戒定道 |
| 南無大悲觀世音 | 願我早登涅槃山 |
| 南無大悲觀世音 | 願我速會無爲舍 |
| 南無大悲觀世音 | 願我早同法性身 |

  

|                   |       |       |
|-------------------|-------|-------|
| 我若向刀山             | 刀山自摧折 | 我若向火湯 |
| 火湯自消滅             | 我若向地獄 | 地獄自枯竭 |
| 我若向餓鬼             | 餓鬼自飽滿 | 我若向修羅 |
| 惡心自調伏             | 我若向畜生 | 自得大智慧 |
| 經云發是願已至心稱念我之名字亦應專 |       |       |

念我本師阿彌陀如來然後即當誦此陀羅

尼行者想身對此佛菩薩前稱念尊名雅在哀切如遭焚溺求於救濟若時促略稱七

徧若無妨

南無觀世音菩薩

南無阿彌陀佛稱念

觀世音菩薩白佛言世尊若諸衆生誦持大

輔五

悲神呪墮三惡道者我誓不成正覺誦持大

悲神呪若不生諸佛國者我誓不成正覺誦

持大悲神呪若不得無量三昧辯才者我誓

不成正覺誦持大悲神呪於現在生中一切

所求若不果遂者不得爲大悲心陀羅尼也

乃至說是語已於衆會前合掌正住於諸衆

生起大悲心開顏含笑即說如是廣大圓滿

無闕大悲心大陀羅尼神妙章句陀羅尼曰

南無喝囉怛那哆囉夜哪一南無阿唎哪二

婆盧羯帝爍鉢囉哪三菩提薩哆婆耶四摩

訶薩哆婆哪五摩訶迦盧尼迦哪六唵七薩

皤囉罰曳八數怛那怛寫九南無悉吉利埵

伊蒙阿利哪十婆盧吉帝室佛囉楞馱婆十一

南無那囉謹墀十二醯唎摩訶皤哆沙咩十三

音薩婆阿他豆輸朋十四阿逝孕十五薩婆薩哆

那摩婆伽<sup>六十</sup>摩罰待豆<sup>七十</sup>怛姪他<sup>八十</sup>唵阿婆  
盧醯<sup>九十</sup>盧迦帝<sup>二十</sup>迦羅帝<sup>二十</sup>夷醯唎<sup>二十</sup>  
摩訶菩提薩埵<sup>二十</sup>薩婆薩婆<sup>二十</sup>摩羅摩  
羅<sup>二十</sup>摩醯摩醯唎馱孕<sup>二十</sup>俱盧俱盧羯  
儻<sup>二十</sup>度盧度盧罰闍耶帝<sup>二十</sup>摩訶罰闍  
耶帝<sup>二十</sup>陀羅陀羅<sup>三十</sup>地利尼<sup>三十</sup>室佛囉  
耶<sup>三十</sup>遮羅遮羅<sup>三十</sup>摩摩罰摩羅<sup>三十</sup>穆  
帝<sup>三十</sup>伊醯伊醯<sup>三十</sup>室那室那<sup>三十</sup>阿  
羅<sup>三十</sup>佛羅舍利<sup>三十</sup>罰沙罰參<sup>三十</sup>佛囉舍  
耶<sup>四十</sup>呼嚧呼嚧摩羅<sup>四十</sup>呼嚧呼嚧醯利<sup>四十</sup>

二 娑羅娑羅<sup>四十</sup>悉利悉利<sup>四十</sup>蘇盧蘇盧  
四十 菩提夜菩提夜<sup>四十</sup>菩馱夜菩馱夜<sup>四十</sup>  
七 彌帝利夜<sup>四十</sup>那羅謹墀<sup>四十</sup>地利瑟尼  
那<sup>五十</sup>波夜摩那<sup>五十</sup>娑婆訶<sup>五十</sup>悉陀夜<sup>五十</sup>  
三 娑婆訶<sup>五十</sup>摩訶悉陀夜<sup>五十</sup>娑婆訶<sup>五十</sup>  
六 悉陀喻藝<sup>五十</sup>室瞞羅耶<sup>五十</sup>娑婆訶<sup>五十</sup>  
九 那羅謹墀<sup>六十</sup>娑婆訶<sup>六十</sup>摩羅那羅<sup>六十</sup>  
娑婆訶<sup>六十</sup>悉羅僧阿穆佉耶<sup>六十</sup>娑婆訶<sup>六十</sup>  
六十 娑婆摩訶阿悉陀夜<sup>六十</sup>娑婆訶<sup>六十</sup>者  
吉羅阿悉陀夜<sup>六十</sup>娑婆訶<sup>六十</sup>波陀摩羯

悉哆夜<sup>七十</sup>娑婆訶<sup>七十</sup>那羅謹墀瞞伽羅哪

二<sup>七十</sup>娑婆訶<sup>七十</sup>摩婆利勝羯羅夜<sup>七十</sup>娑

婆訶<sup>七十</sup>南無喝囉怛那哆囉夜哪<sup>七十</sup>南

無阿唎哪<sup>七十</sup>婆盧吉帝<sup>七十</sup>爍皤囉夜<sup>七十</sup>

九娑婆訶<sup>八十</sup>悉殿都<sup>八十</sup>漫哆羅<sup>八十</sup>跋陀

耶<sup>八十</sup>莎婆訶<sup>八十</sup>

觀世音菩薩說此呪已大地六變震動天雨

寶華繽紛而下十方諸佛悉皆歡喜天魔外

道恐怖毛豎一切衆會皆獲果證或得須陀

洹果或得斯陀含果或得阿那含果或得阿

羅漢果或得一地二地三四五地乃至十地

者無量衆生發菩提心

九懺悔

行者誦呪畢當念一切緣障皆由宿因過去

今生與諸有情何惡不造罪累既積世世相

續五

十四

逢爲冤爲親爲障爲惱若不懺悔無由解脫

道法不成故須披陳哀求三寶爲我滅除經

云爲一切衆生懺悔先業之罪亦自懺謝無

量劫種種惡業法華三昧云業性雖空果報

不失顛倒因緣起諸重罪流淚悲泣口宣懺

悔

應心念言我及衆生無始常爲三業六根  
重罪所障不見諸佛不知出要但順生死  
不知妙理我今雖知猶與衆生同爲一切  
重罪所障今對觀音十方佛前普爲衆生  
歸今懺悔惟願加護  
令障消滅念已唱云

普爲四恩三有法界衆生悉願斷除三障歸

命懺悔唱已五體投地心復念言我與衆生  
惡友不隨喜他一毫之善唯徧三業廣造衆  
罪事雖不廣惡心徧布晝夜相續無有間斷  
覆諱過失不欲人知不畏惡道無慚愧撥  
無因果故於今日深信因果生重慚愧生大  
怖畏發露懺悔斷相續心發菩提心斷惡修  
善勤策三業翻昔重過隨喜凡聖一毫之善  
念十方佛有大福慧能救拔我及諸衆生從  
二死悔置三德岸從無始來不知諸法本性

空寂廣造衆惡今知空寂爲求菩提爲衆生  
故廣修諸善徧斷衆惡唯願觀音慈悲攝受  
唱云

至心懺悔比丘某甲等與法界一切衆生現  
前一心本具千法皆有神力及以智明上等  
佛心下同含識無治間動障此靜明觸事昏

勸五十五

迷舉心縛著平等法中起自他想愛見爲本  
身口爲緣於諸有中無罪不造十惡五逆謗  
法謗人破戒破齋毀塔壞寺偷僧祇物汙淨  
梵行侵損常住飲食財物千佛出世不通懺  
悔如是等罪無量無邊捨茲形命合墮三塗

備嬰萬苦復於現世衆惱交煎或惡疾縈纏  
他緣逼迫障於道法不得熏修今遇

大悲圓滿神呪速能滅除如是罪障故於今

日至心誦持歸向

觀世音菩薩及十方大師發菩提心修真言

行與諸衆生發露衆罪求乞懺悔畢竟消除

唯願

大悲觀世音菩薩摩訶薩千手護持千眼照

見令我等內外障緣寂滅自他行願圓成開

本見知制諸魔外三業精進修淨土因至捨

此身更無他趣決定得生阿彌陀佛極樂世

界親承供養大悲觀音具諸總持廣度群品

皆出苦輪同到智地懺悔發願已歸命禮三

寶起禮一拜

次當如法旋遶或三或七

欲旋遶時先須正立想此道場如法

界十方三寶巽塞虛空以次迴身旋繞法座  
十方三寶心性寂滅影現十方心想如夢梵  
聲如響勿令心散口唱云

南無十方佛

南無十方法

南無十方僧

南無本師釋迦牟尼佛

南無阿彌陀佛

南無千光王靜住佛

南無廣大圓滿無礙

大悲心大陀羅尼 南無千手千眼觀世音

菩薩 南無大勢至菩薩 南無總持王菩

薩 或三稱或七稱旋繞已還至像前三自歸

自歸依佛當願衆生體解大道發無上心

自歸依法當願衆生深入經藏智慧如海

輔五

十六

自歸依僧當願衆生統理大衆一切無闕和

南聖衆

十觀行

行者禮懺訖應出道場別於一處身就繩牀依經修觀經說此咒結益纔訖大梵天王請

曰惟願大士爲我說此陀羅尼形貌相狀觀世音菩薩言大慈悲心是平等心是無爲心是無染心是空觀心是恭敬心是卑下心是無雜亂心是無上菩提心是當知如是等心即是陀羅尼相貌汝當依此而修行之今輒釋其意經文九心即依境發菩提心等九法乘也以初神咒是其理境雖通顯說然以密談愈彰深祕故上根一聞即能入證或階四果或登十地內外凡位通名發心是則大梵觀於上根聞境得悟乃爲中下請餘九衆故

云相貌理境如車體相貌如具度問既稱法稱機故觀音歎曰汝爲方便利益一切衆生故作斯問故知呪體及以九心十乘意備又復此經頻令行者於諸衆生起大慈悲若非依理豈忘愛見故初理境即慈悲本後之八

輔五

十七

心成悲之法應知此經正明悲行又復應知部在方等此之十法通於四教而廣大圓滿無礙大悲藏通二教有名無體離斷常中豈不廣大等耶別雖有理修在後時圓教初心盡茲體用今明觀心專依圓妙仍有二種謂

約行托事也初約行者直就一念觀於十界百界千如妙法雖即一念千法宛然全體即空當處即假仍非二邊又即雙照不可以一多說安以有無思若邊若中皆莫能擬故密語示及顯了詮皆不可以識識不可以言言是爲於己心觀不思議境也既知己心若是復思一切衆生念念皆爾本具九界既即佛界仍各具十種因果即一苦一切苦我與衆生縱貪瞋癡動身口意隨業受之萬劫千生故於自他哀傷哽痛深起悲心誓拔其苦本

永樂北藏

千手眼大悲心咒行法

第一五三冊

具佛界既即九界仍各具十種因果即一樂一切樂我與衆生以凡小心求人天身及二乘果得少爲足資生難難故於自他愛念憐憫深起慈心誓與具樂此乃與究竟樂拔一切苦故名大慈悲慈悲雖普散動尚多須用不二止觀安於法性使寂照均融名平等心理若未顯由三惑覆當觀此惑本空法性本淨無可破立名無爲心若著此能觀則於通起塞識此通塞名無染心諸法雖空證由觀道觀不調適品次不生成道品相生成空觀

心蔽資理惑不顯真如事度助開見生齊佛名恭敬心乍息麤心謂爲深詣若知圓位上慢可祛名卑下心名利眷屬三術離之三昧可成名無雜亂心行上九事過內外障若起法愛則不得前能離此愛方登分果名無上

轉五

十八

菩提心上根觀境即入初住或內外凡中根二至七下根盡用二託事者觀音一身有千手眼手有提拔之力眼有照明之用即是一千神通智慧也一身具千手眼千手眼不離一身乃表一念即千通慧千種通慧不離一

念法稱廣大圓滿復云無礙大悲非一念千  
法焉稱此名然既密說人那解之乃現此相  
而為表示非一家觀法安能盡釋法名身相  
在於彼部領解雖殊今之行人得法華意於  
茲名相終無異塗況於道場唯瞻此相不表  
觀法何以用心故二種觀門相須而進若行  
立持誦若却坐思惟不思議觀不應暫廢是  
名依法受持也故前立十願今示十乘即所  
願之法既今依此而修行之即是初心修相  
後文云有觀慧方便者十地果位克獲不難

即分滿證相觀成似發準例前後其意必然  
若未深諳一家教觀須近善師咨決解行方  
識正邪故方便五緣四或可闕善知識緣必  
須具也若居異處無師可承當自尋止觀仍  
須輔行決通觀道方可修之慎勿師心自立  
規矩又復應知如上說者此就十九咒體深取經  
宗為成觀行者也若論此經力用何人不攝  
何善不收故求聲聞人各獲果證求世間事  
無不從心而略示四十手功德欲得富饒欲  
求官位除身惡疾求見善友欲生淨土樂趣

諸天莫不果願乃至經持咒者若風若水雷  
 著其身不受惡趣常生佛前若行者未能修  
 觀但當深信斷諸疑心依文誦持現世當生  
 離苦得脫故法華懺立有相安樂行不入三  
 昧但誦持故亦能得見上妙色也故知初心  
 入門多種妙悟之時理應兩捨唯願若士若  
 庶若俗若僧於此總持生決定信起精進心  
 於相無相盡力修之現世障惱皆除淨土往  
 生不惑廣論利益具載經文  
 千手眼大悲心咒行法

禮法華經儀式

一心頂禮十方法界常住三寶

拜起胡跪燒香運想已合

掌唱願此香華雲徧滿十方界供養一切佛

妙法蓮華經菩薩聲聞衆受用作佛事

一拜起立

云歎

稽首十方佛

圓滿最上乘

本迹開二門

法喻談真祕

普使諸權小

悉證佛菩提

我今誓歸依

願超生死海

讚歎已隨意述雖曰禮經應

須禮佛菩薩使三寶義足

一心頂禮本師釋迦牟尼佛